

परौहना

ललित अनताल

छात्र , जम्मू & कश्मीर विश्वविद्यालय

अज्ज घर परौहने औनां ऐ,
असें खट्ट डाईयै बौहना ऐ।
गल्लें दी गंड बी खोलनी ऐ,
असें गप्प गडुका लाना ऐ,
इक्क दुए गी समझाना ऐ,
टबर सारा कट्ठा करियै,
गल्लां करदे जाना ऐ,
परौहना बचारे तां अज्ज हस्सा नेइंर् थमोना ऐ, अज्ज घर परौहने औना ऐ,
असें खट्ट डाईयै बौहना ऐ।
शामी अज्ज धाम बनानी ऐ,
रिशतेदारी खूब नभानी ऐ,
सरेयां दा साग ते कन्ने टोडे,
मंडे ते खीर खलानी ऐ,
मंजा डाहना खातरदारी च
अज्ज आपूं भुजां सोना ऐ,
अज्ज घर परौहने औना ऐ,
असें खट्ट डाईयै बौहना ऐ।
कुते सैर-सपाटा लाना ऐ,
असें उच्ची धारें जाना ऐ,
शैहरू लौकें गी अज्ज गंराऽ दे,
चौनी पासे घुमाना ऐ।
खातरदारी च कमी नी रखनी भामें पवै रोना ऐ, अज्ज घर परौहने औना ऐ,
असें खट्ट डाईयै बौहना ऐ।